

武功縣志卷之三

人物志第六

史記后稷名棄其母有邠氏女曰姜原姜原為帝嚳元妃姜原出野見巨人跡心忻然說欲踐之而身動如孕者居期而生子以為不祥棄之隘巷馬牛過者皆辟不踐徒置之林中適會山林多人遷之而棄渠中冰上飛鳥以其翼覆薦之姜原以為神遂收養長之以初欲棄之因曰棄棄為兒時屹如巨人之志其遊戲好種樹麻菽麻菽美及為成人遂好耕農相地之宜宜穀者稼穡焉民皆法則之帝堯聞之舉棄為農師天下得其利有功封棄于邠號曰后稷帝舜曰棄黎民始饑爾后稷播時百穀別姓姬氏后稷之興在陶唐虞夏之際皆有令德后稷卒子不窋立

武功縣志卷之三

一

韓詩章句姜姓原字或曰謚號也詩傳名原

唐高祖神堯皇帝姓李氏諱淵字叔德隴西成紀人涼武昭王暉七代孫自暉五世有名天賜者為魏幢主生虎有功于周與李弼等八人皆拜柱國號八柱國周受魏禪追贈唐國公虎生昞昞生高祖獨孤皇后高祖之從母也故文帝與高祖相親愛大業中為岐州刺史治于武功而家焉所謂慶善宮也太宗實生于此大業十三年高祖為太原留守時煬帝南遊盜賊蜂起太宗知隋必亡陰結豪傑舉大事懼帝不從因與裴寂選晉陽宮人私事帝乃告之五月以詐殺副留守王威高君雅與突厥連和遂起兵而

有天下在位九年傳之太宗

幢音牀幡幢旌旂之屬
獨孤皇后文帝后

太宗皇帝諱世民神堯次子母曰太穆后竇氏開皇十八年己卯十二月戊午生帝于武功宅有二龍之瑞方四歲有書生謁高祖曰公在相法貴人也必有貴子及見太宗曰龍鳳之姿天日之表年幾冠必能濟世安民書生去高祖懼其語泄使追殺之不知所往因以為神乃採其語名之曰世民大業中突厥圍煬帝于鴈門帝年十六應募往救遂隸將軍雲定興部下設疑示遂引去後高祖起兵徇西河斬其郡丞高德儒至霍邑會天久雨高祖欲還兵太宗諫曰義師為天下起也宜直入咸陽號令天下今

武功縣志卷之三

二

守一城是為賊耳高祖不納太宗哭于軍門高祖驚召問之曰還則衆散于前敵乘于後死也須臾所以悲耳高祖寤曰起事者女也成敗惟女遂進兵克長安定四方累進中書令初高祖起太原非其本意而事出太宗及取天下太宗功益高高祖屢許以為太子建成懼廢與齊王元吉日謀害太宗九年六月太宗以兵入元武門殺太子建成及齊王元吉高祖聞之大驚遂以太宗為皇太子八月甲子即皇帝位帝聰明英武其除隋之亂比迹湯武致治之美庶幾成康自古功德兼隆漢以來未之有也

史傳周

富辰襄王大夫也襄王十三年鄭人伐滑王使伯

服游孫伯如鄭請滑鄭人不聽王命而執二子王怒將以

翟伐鄭富辰諫曰凡我周之東徙晉鄭焉依子頹之亂又鄭之由定今以小怨棄之王不聽十五年王降翟師以伐鄭王德翟人將以其女為后辰又諫王王弗聽後大叔通於翟后王絀翟后翟人來誅殺譚伯富辰曰吾數諫王不從如是不出王以我為懟乎乃以其屬死之

漢蘇建其上世因封居故蘇城蘇忿生為周司寇居河內後徙武功杜陵故建或稱為杜陵人以校尉從大將軍青擊匈奴封平陵侯以將軍築朔方後以衛尉為遊擊將軍從大將軍出朔方後一歲以右將軍再從大將軍出定襄亡翁侯失軍當斬贖為庶人後為代郡太守卒官有三子嘉奉車都尉賢騎都尉中子武自有傳

武功縣志卷之三

三

史記翁侯趙信為前將軍匈奴誘之遂將其餘騎八百降單于建盡亡其軍獨以身歸

蘇武字子卿少以父任為郎稍遷至移中廐監時漢連伐胡數通使相窺匈奴留漢使前後十餘輩及匈奴使來漢亦留之天漢元年且鞮侯單于初立恐漢襲之迺盡歸漢使武帝嘉其意遣武以中郎將使持節亦送匈奴使歸因厚賂答單于單于見漢幣遺益驕方欲發使送武等會緱王與虞常謀反匈奴中單于使衛律論虞常欲因以降武武不動律更曲為說武武罵絕之律知武終不可脅白單于單于益欲降武置武大窖中絕不飲食天雨雪武卧齧雪與旃毛并咽之數日不死匈奴以為神乃徙北海上牧羝羝乳乃歸李陵降後單于又使陵往說武陵因武有悲

心焉昭帝即位遣使求武陽言天子射上林得雁足繫帛
知武所在單于驚始還武及其官屬尚在者惠等九人始
元六年春武至京師拜典屬國 子元坐法死以別子通
國為郎

移音移 移中廐名 且子閒切 鞮丁鞮切 且鞮侯犁湖
單于之弟 維王者昆邪王姊子也 虞常長水人
衛律使匈奴會李延年家收律懼并誅 還 害工孝
反大害舊積米粟之害而空者 惠常惠也 惠初以假
吏隨武 往匈奴

趙禹以佐史補中都官用廉為令史事太尉周亞夫亞夫
為丞相禹為丞相史府中皆稱其廉平武帝時禹以積勞
遷為御史上以為能至中大夫與張湯論定律令禹為人
廉裾為史以來舍無食客公卿相造請禹終不行報謝務

武功縣志卷之三

四

在絕知友賓客之請孤立行一意而已嘗中廢已為廷尉
始條侯以禹賊深及禹為少府九卿酷急至晚節事益多
吏務為嚴峻而禹治加緩名為平王溫舒等後起治峻禹
禹以老徙為燕相數歲詩亂有罪免歸後十餘年以壽卒
于家

中都官若京都府史 裾讀與倨同 禹終不行句
報謝務在孤立行一意 師古曰以此意告報公卿史記
張湯傳禹終不報謝 條侯亞夫也 為少府九卿史
記及禹為少府比九卿 王溫舒陽陵人 詩布內反
心意昏 惑也

後漢蘇竟字伯况平帝時以明易為博士講書祭酒善圖

緯能通百家之言王莽時與劉歆共典校書拜代郡中尉
時匈奴擾亂北邊多罹其禍竟終完輯一郡光武即位就

拜代郡太守尋拜侍中以病免初鄧仲况擁兵據南陽陰縣為寇而劉歆兄子龔為謀主竟時在南陽以書曉之於是仲况龔降竟終不伐其功潛樂道術作記誨篇及文章傳于世年七十卒于家

竟為講尚書祭酒 仲况延本護軍 龔字孟公善議論

蘇純字桓公建六世孫也有高名性強切而持毀譽士友咸憚之至私相謂曰見蘇桓公患其教責人不見又思之三輔號為大人永平中為奉車都尉出擊北匈奴車師有功封中陵鄉侯官至南陽太守

大人長老之稱 後漢書純為奉車都尉竇固軍出擊北匈奴車師有功據此純未為奉車都尉

李育字元春少習公羊春秋沈思專精博覽書傳知名太

武功縣志卷之三

五

學深為同郡班固所重固奏記薦育於驃騎將軍東平王蒼由是京師貴戚爭往交之州郡請名育到輒辭病去常避地教授門徒數百頗涉獵古學嘗讀左氏傳雖樂其文采然謂不得聖人深意以為前世陳元范升之徒更相非折而多引圖讖不據理體於是作難左氏義四十一事建初元年衛尉馬廖舉育方正為議郎後拜博士四年詔與諸儒論五經於白虎觀育以公羊義難賈逵往返皆有理證稱為通儒再遷尚書令及馬氏廢育坐為所舉免歸歲餘復徵再遷侍中卒於官

蘇章字孺文純子也少博學能屬文安帝時舉賢良方正對策高第為議郎數陳得失其言甚直出為武原令值歲

饑輒開倉廩活三千餘戶順帝時遷冀州刺史故人為清河太守章行部案其姦臧乃請太守設酒肴陳平生之好甚歡太守喜曰人皆有一天我獨二天章曰今夕孺文與故人飲者私恩也明日冀州刺史案事者公法也遂舉正其罪州境望風畏肅改并州刺史以挫折權豪忤旨坐免隱身鄉里不交當世後徵為河南尹不赴卒于家

蘇謙章兄孫也初為郡督郵時魏郡李嵩為美陽令與中常侍貝瑗交通貪暴為民患前後監司畏其勢援莫敢發問及謙至部案得其臧論輸左校謙累遷至金城太守去郡歸鄉里後私至洛陽嵩為司隸校尉為嵩所害

漢法免罷守令非詔徵不得到京師
嵩收謙詰掠死獄中嵩又刑其屍

武功縣志卷之三

蘇不韋字公先謙子也年十八徵詣公車會謙見殺載其喪歸瘞而不葬仰天嘆曰伍子胥何人也乃藏母於武都山中變姓名慕劍客刺嵩不克又潛鑿地旁達嵩寢殺嵩值嵩在廁止殺其妾及其子留書而去更以其父首祭謙嵩因憤恚死不韋始改葬行喪後不韋竟以嵩客陷死

子胥父奢為楚王所殺子胥復讐不韋日夜飛馳徑到魏郡掘嵩父阜冢斷取阜頭以祭父墓武威段熲與嵩素善頗為司隸乃追咎不韋前報嵩事使從事張賢就家收執并其一門六十餘人盡誅滅之

魏蘇則字文師漢平陵侯後也少以學行聞舉孝廉茂才

辟公府皆不就起家為酒泉太守轉安定武都所在有威名太祖征張魯過郡悅之使為軍導魯破徙金城太守太祖崩西平麴演文帝以其功加護羗校尉賜爵關內侯後

演復結旁郡為亂則悉平之進封都亭侯邑三百戶徵拜侍中董昭嘗枕則膝卧則推下之曰吾膝非佞人枕也初則及臨菑侯植聞魏代漢皆發服悲哭文帝聞植不聞則也問曰吾受禪而有哭者何也則鬚髯悉張方正論極對傅巽指曰不謂卿也於是乃止文帝以前燉煌獻徑寸大珠復欲求市則對曰陛下化治中國即不求自至求而得之不足貴也帝嘿然後從帝獵槎桎拔失鹿帝怒收督吏將斬之則稽首曰陛下欲隆唐堯之化而以獵戲殺羣吏臣敢以死請帝曰卿直臣也遂赦之然以此見憚黃初四年左遷東平相未至道病薨謚剛侯

晉蘇愉字休豫魏侍中則第二子也兄恬襲侍中爵為都

武功縣志卷之三

七

亭侯恬死無子愉更襲封都亭侯晉受魏禪以為太常卿遷光祿大夫至尚書卒

後魏蘇稚字天祐魏侍中則之後位至中書侍郎玉門郡守

蘇祐稚子也官至泰山郡守

蘇協亦稚子為武功郡守

蘇亮字景順祐子也少通敏博學好屬文善章奏與弟湛讓及從弟綽皆著名西土初舉秀才齊王蕭寶夤引為參軍寶夤敗孝武西遷遷吏部郎中大統二年拜給事黃門侍郎領中書舍人宜都王為秦州刺史文帝以亮為司馬謂亮曰黃門侍郎豈可為秦州司馬直以朕愛子出藩故

以心腹相委耳賜以御馬八年封臨涇縣子除中書監領著作修國史亮有機變善談笑周文帝為丞相甚重之有所籌議率膺會其旨記人之善忘人之過薦達後進如恐弗及故當世敬慕焉歷秘書監大行臺尚書出為岐州牧十年徵拜侍中卒所著文都數十篇行於世子師嗣起家黃門侍郎

蕭寶夤齊明帝鸞第六子東昏侯寶卷母弟也寶夤作亂以亮為黃門侍郎 孝武修西奔都於長安是為西魏 文帝寶炬孝文帝孫 宜都王名式 周文帝泰姓宇文氏 文都北史周書俱作文筆

蘇湛字景儁少有志行頗涉羣書年二十餘舉秀才除奉朝請領侍御史加員外散騎侍郎蕭寶夤討關西以為行臺郎中寶夤反令姜儉報湛湛舉聲大哭儉止之湛曰百

武功縣志卷之三

口居家即時屠滅云何不哭王以窮鳥依人朝廷假王羽翼榮寵至此今國步多虞不能竭忠報德乃欲乘人間隙以羸敗之兵守關門鼎破亡之期不旋踵矣湛不能以積世忠貞之基為王族滅也願乞骸骨還鄉里寶夤知湛不為已用於是聽還武功寶夤敗莊帝徵湛拜尚書郎謂之曰聞卿答蕭寶夤甚有美辭湛頓首謝曰臣與寶夤周旋契濶言得盡心而不能令其守節臣之罪也莊帝大悅加散騎侍郎尋遷尚書孝武初以疾卒於家贈散騎常侍鎮西將軍雍州刺史

魏書蕭衍既克建業將害寶夤寶夤穿牆夜出至壽春之東城主杜元倫任城王澄迎之時年十六至京師世宗禮之甚重孝昌三年反永安三年賜死 加散騎侍郎尋遷尚書本傳云拜散騎都尉仍領郎遷中書侍郎

蘇讓字景恕幼聰敏好學初為本州主簿稍遷別駕武都郡守鎮遠將軍金紫光祿大夫周文帝為丞相引為府屬甚見親待出為衛將軍南汾州刺史有善政卒于官贈車騎大將軍儀同三司涇州刺史

後周蘇綽字令綽後魏武功郡守協子也綽少好學博覽

羣書尤善算術從兄讓為汾州刺史周文為魏丞相餞於都門外謂曰願言君家子弟可任用者讓因舉綽召為行臺郎中凡臺中公文皆綽與條式臺中稱能焉僕射周惠達與文帝論事乃綽所量定文帝異之曰孰與為此議者惠達曰郎中綽也後文帝與公卿觀魚昆明池問故倉地得綽對愈益敬禮乃更泛論天地造化之始歷代興亡之

故並馬徐行及池不漁而返詢訪政道夜以達曙整衣而坐不覺其膝之前也即拜大行臺左丞參典機密大統十一年授大行臺度支尚書領著作監司農卿文帝方欲革易時政務行疆國富民之道故綽益盡智能牧守令長非通綽六條及計帳不得居官文帝厭文章浮華因魏帝祭廟羣臣畢至乃命綽為大誥奏行之其文與六條俱見本傳綽性儉素不事產業家無餘財以海內未平常以天下為已任文帝亦推心委任十二年卒于位年四十九也子

威嗣

周文謂周文帝泰周惠達字懷文文安又故倉地

北史云漢故倉地六條一先修心二敦教化三盡地利四擢賢良五恤獄訟六均賦役

蘇椿字令欽綽弟也性廉慎沈勇有決斷魏正光中關右賊亂椿應募討之受盪寇將軍以功累遷中散大夫賜爵美陽子大統初拜鎮東將軍金紫光祿大夫除都督行弘農郡事椿當官強濟特為文帝所知十四年置黨州鄉師自非鄉望允當衆心不得預焉乃令驛追椿領兵其年破槃頭氏有功除散騎常侍加大都督十六年征隨郡軍還除武功郡守既為本邑以清儉自居小大之政必盡忠恕進爵為侯位驃騎大將軍開府儀同三司大都督卒子植嗣

隋蘇威字無畏魏度支尚書綽子也襲爵美陽縣公仕郡功曹周革命宇文護以其女新興公主妻焉初威惡護專

權乃逃入山中未幾授使持節車騎大將軍儀同三司改封狄道縣公宣帝嗣位就拜開府高祖為丞相高頴屢言其賢召入卧內與語大說高祖受禪徵拜太子少保追贈其父為邳國公以威襲焉尋兼納言民部尚書多讜言直論語在本傳煬帝立加威上大將軍楊元感反帝曰此兒聰明將不為患邪威諷之曰所謂聰明者識是非審成敗也元感粗何謂聰明直恐亂自此階耳與宇文述對盜賊事威曰往但據長白山今近在滎陽泗水耳復問伐遼東威請赦羣盜遣討高麗上益怒值御史大夫裴蘊希旨劾威詔威除名尋從幸江都帝欲復用威蘊等奏威昏耄乃止宇文化及既弒帝以威為光祿大夫開府儀同三司化

及敗歸李密密敗歸東都越王侗以為上柱國邳公王世
充僭號署太師太宗平王世充威請謁見稱老病不能拜
起太宗遣人數威曰公隋室宰輔政亂不能匡救遂令品
物塗炭君弑國亡見李密王世充皆拜伏舞蹈今既老病
無勞相見也尋歸長安請見高祖又不許卒于家年八十
二歲

北史本傳周文帝時襲爵美陽縣公 宇文護周文帝
奉長兄邳惠公顥子 高穎字昭元一名敏激海滸人
兼民部尚書案本傳文帝九年拜尚書右僕射 加
威上大將軍按本傳以本官領右武衛大將軍賜爵房
陵侯尋進封房公 楊元感隋越國公素子 宇文述
代郡武川人父盛仕周位上柱國 裴蘊聞喜人祖平
父忌並南史有 傳 化及述子

蘇夔字伯尼威子也起家為太子通事舍人楊素奇之素

武功縣志卷之三

每戲威曰楊素無兒蘇夔無父後與鄭譯何妥議樂不行
著樂志十五篇以自見仁壽三年詔天下舉達禮樂源者
晉王昭為雍州牧舉夔與諸州所舉五十餘人謁帝帝指
夔謂侍臣曰唯此一人稱所舉於是拜晉王友煬帝嗣位
歷太子洗馬鴻臚少卿關中盜起詔夔巡關中以功進位
通議大夫坐父事除名後會丁母憂不勝哀卒時年四十
九

北史夔博覽羣言尤以鐘律自命
初名哲字知人父威由是改之

唐劉文靜字肇仁父韶任隋戰死贈上儀同三司文靜以

死難子襲儀同侗儻有氣畧大業末為晉陽令與晉陽宮
監裴寂善寂夜見邏堞傳烽歎曰天下方亂吾將安舍文

靜笑曰如君言英豪所資也吾二人可終羈賤乎高祖為唐公鎮太原文靜察有大志深有結納既又見秦王謂寂曰唐公子非常人也豁達神武漢高祖魏太祖之徒歟俄坐李密親繫獄秦王顧宅無可與計者私入視之文靜喜挑言曰喪亂方刻非湯武高光不能定也王曰今過此非兒女子相愛直欲與共大計文靜曰上南幸兵填河洛盜賊蟄結大連州縣小阻山澤誠能投天會機奮義大呼則四海不足定也今汾晉避盜者文靜素知其豪傑一朝號召十萬衆可得也加尊公府兵數萬一下令誰不願從鼓而入關以震天下王業成矣王笑曰君言正合我意於是卒起兵以文靜為司馬竟平隋有天下後為裴寂所構與

弟文起並坐法貞觀三年詔追復官爵

蘇世長祖彤仕後魏通直散騎常侍父振周巖州刺史建威縣侯父死王事詔世長襲爵入隋為長安令大業末為都水少監煬帝被弑發喪慟聞行路更為王世充太子太子保戍襄陽高祖與之舊數遣使喻降世長輒殺之洛陽平始歸帝帝謂世長世長對曰古帝王受命以比逐鹿一人得禽萬夫歛手豈有獲鹿後忿同獵者問爭肉罪邪帝笑釋之授玉山屯監引見元武門與語平生後又拜諫議大夫帝欲獵武功時武功新經突厥之寇世長諫之不聽後與宴披香殿世長曰此殿煬帝作邪何雕麗底此帝曰卿好諫似直然詐也顧以我所作為煬帝邪對曰臣聞瓊宮

鹿臺非受命聖人所為者陛下武功舊第才蔽風雨時以為足今天下方厭隋侈以歸有道宜刈淫奢復朴素乃雕飾如此欲易其亂得乎帝咨重其言歷陝州長史天策府軍容祭酒引為學士貞觀初使突厥與頡利爭禮不屈拒卻賂遺朝廷壯之出為巴州刺史舟敗溺死

蘇勗字慎行武德中為秦王咨議典籤文學館學士尚南康公主拜駙馬都尉遷魏王泰府司馬博學有美名泰重之勸開館引文學士著書名家歷吏部侍郎太子左庶子卒

蘇良嗣世長子也高宗時為周王司馬王年少不法良嗣數諫王以法繩府官不職者甚見尊憚帝異之遷荊州長

史帝遣宦者采竹蒔上苑所過縱暴至荆良嗣囚之上書言狀帝下詔慰獎取竹棄之徙雍州垂拱初遷冬官尚書拜納言封溫國公留守西京賞遇尤渥尚方監裴匪躬建言嚮諸苑果蔬儲利良嗣曰公儀休拔葵去織未聞天子賣果蔬與人爭利遂止遷文昌左相同鳳閣鸞臺三品遇薛懷義于朝懷義偃蹇良嗣怒叱左右批其頰曳去武后聞之戒曰第出入北門彼南衙宰相行來毋犯之載初元年罷左相加特進仍知政事與韋方質素不平方質坐事誅引逮之后辯其非良嗣悻謝不能興與還第卒年八十五詔百官往弔贈開府儀同三司益州都督

蘇瓌字昌容隋僕射威曾孫也擢進士第歷朗歙二州刺

史來俊臣貶州參軍人懼其復用多致書請瓌瓌叱其使
曰吾泰州牧能過待小人乎俊臣恨之由是連外徙不得
入神龍初始入為尚書右丞再遷戶部尚書拜侍中留守
京師中宗復政力毆鄭普思流儋州累拜尚書右僕射同
中書門下三品進封許國公中宗崩遺詔太后臨朝相王
以太尉輔政宗楚客阻之瓌正色曰遺制乃先帝意安得
輒改韋氏敗睿宗即位進左僕射景雲元年老病罷為太
子少傅卒年七十二贈司空荊州大都督謚曰文貞開元
二年擢中子又左補闕六年詔配享睿宗廟庭太和中錄
舊德官其四代孫翔

蘇幹瓌從父勗子也擢明經授徐王府記室參軍王好畋
每諫止之垂拱中遷魏州刺史河朔饑前刺史苛暴百姓
流徙幹檢吏督姦勸課農桑由是流冗盡復以治稱拜右
羽林將軍遷工部尚書來俊臣素忌之誣幹與琅邪王冲
通書繫獄發憤卒

蘇頲字庭碩瓌子也幼敏悟一覽千言能覆誦第進士調
烏程尉再遷監察御史被詔覆來俊臣寃獄多所洗宥遷
給事中修文館學士拜中書舍人時瓌同中書門下三品
父子同在禁苑朝廷榮之元宗平內難凡制詔皆頲所為
又遷工部侍郎以父喪不拜終制後詔以為中書侍郎知
制誥始給政事食尋襲封許國公開元四年進同紫微黃
門平章事修國史與宋璟同當國璟剛正多所裁決頲能

推其長帝前敷奏璟有不及輒助成之故帝皆納焉璟曰
吾與蘇氏父子同為宰相僕射長厚自是國器若獻可替
否事至即斷公不顧私則今丞相過之八年罷為禮部尚
書又檢校益州大都督長史按察節度劍南諸州從封太
山詔頒朝覲壇世咨其文還分主十銓事卒年五十八詔
贈右丞相謚曰文憲文章與張說齊名時號燕許大手筆
云

蘇誥字廷言頰弟也舉賢良方正高第累轉給事中時頰
為紫微侍郎固辭帝曰朕自用誥卿奚不若祁奚也出為
徐州刺史治有良迹贈吏部侍郎

蘇震誥子也以蔭補千牛十餘歲強學有成人風累遷殿

武功縣志卷之三

十五

中侍御史長安令祿山陷京師震與崔光遠殺開遠門吏
棄家出奔會肅宗興師靈武震晝夜馳赴行在帝嘉之拜
御史中丞遷文部侍郎廣平王為元帥以震為糧料使二
京平封岐陽縣公改河南尹累封岐國公拜太常卿代宗
幸東都復以為河南尹未行卒贈禮部尚書

富嘉謨舉進士長安中累轉晉陽尉時新安吳少微亦尉
晉陽既相友善有魏谷倚者為太原主簿並負文辭時稱
北京三傑天下文章尚徐庾浮俚獨嘉謨少微本經術雅
厚雄邁人爭慕之號吳富體豫修三教珠英韋嗣立薦嘉
謨少微並為左臺御史已而嘉謨死少微方病聞之為慟
亦卒

則天詔張昌宗撰三教珠英於內引文士李嶠等二十
六人分門撰集成一千三百卷開元中張說與徐堅
論近世文章說曰富嘉謨如孤峯絕岸辟立萬仞
濃雲鬱興震雷俱發誠可畏也若施於廊廟駭矣

蘇源明初名預字弱夫少孤寄居徐充工文辭有名天寶
間及進士第更試集賢院累遷太子諭德出為東平太守
詔為國子司業祿山陷京師源明以病不受偽官肅宗復
西京擢考功郎中知制誥值禁中禱祠窮日夜而史思明
陷洛陽詔幸東京親征源明上疏極諫帝嘉其切直遂罷
東幸以秘書少監卒

蘇弁字元容瓌從孫也擢進士調奉天主簿德宗出狩縣
令計事在府官屬皆惶恐欲遁走弁曰昔肅宗幸靈武至
新平安定二太守坐伏匿斬以徇諸君知之乎衆乃定車

武功縣志卷之三

駕至儲峙畢給帝嘉之試大理司直朱泚平進監察御史
累擢倉部郎中判度支裴延齡死帝召弁見延英賜紫衣
金魚以度支郎中副知度支事位郎中上度支有副自弁
始弁通學術吏事精明承延齡後平賦緩役畧煩苛人賴
其寬久之遷戶部侍郎判度支改太子詹事尋坐腐粟貶
汀州司戶參軍是時兄袞為贊善大夫冕京兆士曹參軍
以弁故貶袞永州冕信州皆司戶參軍袞年老瞋不能視
帝閱之聽還又有稱冕才者帝悔不用重追冕遂不復用
數年起弁為滁州刺史卒弁聚書至三萬卷手自讐定當
時稱與秘府埒云

蘇鶚未詳其行事崔豹古今註云有行義集十卷

元讓擢明經以母病不肯調侍膳不出閭數十年母終廬墓次廢櫛沐飯菜飲水咸亨中太子監國下令表闕于門永淳初巡察使表讓孝悌卓越擢太子右內率府長史歲滿還鄉里人有所訟皆詣讓判中宗在東宮召拜司議郎入謁武后望謂曰卿孝於家必能忠於國宜以治道輔吾子尋卒

蘇檢字聖用舉進士歷中書舍人昭宗天復二年拜工部侍郎同中書門下平章事朱全忠崔允反復為姦朝廷急於累卵檢以韓偓有才辨數言于李茂貞欲以相偓偓陰附允知事不可不肯拜初茂貞與諸宦者恐上自別用人故協力薦檢明年二月丙子允與全忠竟害檢

武功縣志卷之三

夫蘇氏除世長至弁史各有傳予讀唐書宰相世表觀其人至繁衍顯盛也今畧序之使好事者得誦說焉按表蘇氏猶有秘書監一人踐言都督一人琛駙馬都尉二人彥伯雲郎中二人綰工部獻駕部刺史八人亶台州澄沁州均虔州務寂梓州妙泉州易黃州奕光州繫滁州太府卿一人檀太守一人顏淮安驍衛將軍一人韃國子司業一人虔王傅一人盈而其系推自平陵侯檢別為蘇氏非平

陵侯後

踐言良嗣子琛亶次子彥伯良嗣孫雲良嗣曾孫綰澄子獻幹子亶夔子澄威孫均勗子子務寂踐言子妙又子易頰孫奕詵孫繫易孫盈環孫嘉王傅踐言子務元邠王府長史又按良嗣傳踐言子務元邠王府長史

宋蘇曉字表東父瓚仕後唐歷秘書少監曉宋初為淮南轉運使歲入百餘萬緡開寶三年遷司勳郎中改西川轉運使仍掌京城市征發李守信職拜右諫議大夫判大理寺卒年七十三然深刻少恩非長者云

李守信市木秦隴間盜官錢鉅萬既受代為部下所發至中年自到於傳舍太祖命曉按之逮捕甚衆

游光濟官至大理寺丞贈朝請郎子師雄最知名

蘇昞字季明與游師雄同學于張載乃後昞又卒業二程

元祐末呂大忠薦之起布衣為太常博士坐元符上書入邪籍編管饒州卒

大忠字進伯大臨之兄薦昞謂其德性純茂強學篤志行年四十不求仕進真西山讀書記云胡安國譏昞越職上書必有非所宜言者

武功縣志卷之三

十六

游師雄字景叔第進士為儀州司戶參軍順德軍判官與廊延諸將計議邊事賴以無患元祐初為宗正主簿議棄四砦事甚力執政弗從遷軍器監丞夏人謀分據熙河師雄語劉舜卿制之之策已而皆大捷斬獲幾四千人虜鬼章及其大首領九人遷陝西轉運判官提點秦鳳路刑獄夏人侵涇原復入熙河師雄議於定西通渭之間建三柵及護耕七聖以固藩籬為無窮之利詔以師雄議付范育入拜禮部員外郎加集賢校理為陝西轉運使計轉輸事上皆從之有詔詣闕哲宗勞之曰洮州之役可謂雋功但恨賞太薄耳拜衛尉少卿上數訪邊防利病師雄具慶歷以來邊臣施置之臧否朝廷謀議之得失及方今禦敵之

要凡六十事名曰紹聖安邊策上之出知河中府進直龍圖閣知秦州未至夏人擾邊詔攝熙河與使者及秦師共謀之師雄志在築城守禦而使者方銳於討擊然卒用師雄策自復洮州之後于闐大食佛林邈黎諸國皆懼悉遣使入貢未幾還秦徙知陝州卒年六十師雄慷慨豪邁少有文學事橫渠張載益得其奧及被委用有志事功議者以用不究才為恨弟師韓亦以英俊知名子靖竝蟻竚竦皆舉進士傳其家

游靖舉進士為河南府左軍巡判官管鈞秦鳳路機宜文字有學行克肖厥父文章簡易順理時以為工

元康氏諱廷瑞字子安讀書長寧西門原上有弟子數百

武功縣志卷之三

十九

人宗師子安明性理之學於是稱之曰西原先生後辟為興化訓導其行事見家譜大傳孫諱汝楫在皇明最有勳德

明康氏諱汝楫字濟川洪武初舉明經為縣學訓導太

祖皇帝選天下文學知名之士教太子諸王乃以訓導為燕王相參歷其軍國事洪武末出為安岳知縣靖難後太宗皇帝徵赴行在拜行部左侍郎留北京輔皇太子凡城守置治事皆聽便宜行之侍郎有大勲德上將封之為侯固死不拜比卒又上表乞勿賜贈謚上竟皆允之一日上召其子俱來值中子年賈在外廼以長子諱爵為上林苑監左監正季子裡為監副又賜中子年千金鏹數十千貫

勅關津吏往來不得詰察上謂廷臣曰侍郎忠其子孫必忠聞侍郎尚有孫侯長當并官之又曰二子初仕或未諳悉法禁錦衣衛可記名有過勿刺洪熙元年贈工部尚書諱爵字以德在上林即條陳山西苑戶久役之苦上皆從之累遷南京太常寺卿裡字以敬有文名官至右通政太常子諱健字自強天順初有詔起尚書孫應祀者受通政司知事知事子諱鏞字振遠世稱康長公以文章名世目曰關西夫子仕為平陽府知事其言語行事並見家譜大傳子阜字德瞻七歲能詩十八歲死以次子海贈翰林院修撰

馬京字子高少學於康尚書以文學知名洪武十三年進

武功縣志卷之三

二十

士及第授翰林院編修永樂初拜行部右侍郎未幾卒仁宗皇帝贈少傅禮部尚書謚文簡京為人方正有才思立朝多所建明上嘉納之然取之囹圄之中而卒於效用之始故其美大莫究時論惜焉子健以蔭為太常寺典簿後至兵部主事天順末主事孫昭舉鄉試後為武邑知縣昭子安以例為國子生終滎河知縣

按明史京與陳壽許思溫瘦死獄中洪熙元年贈榮祿大夫少傅謚文簡志云取之囹圄之中卒於效用之始又云贈禮部尚書俱無考

列女帝嚳元妃姜原有釐氏女也初無子與帝嚳裡祀郊媒以求有子出遇巨人跡悅而踐焉震動有孕乃生后稷是為周人生民之祖詩曰厥初生民時維姜原蓋此之謂

也餘見史記周本紀

太姜者周太王妃有邠氏女也生太伯仲雍王季太姜有色而貞順率導諸子至於成童靡有過失太王謀事必於太姜太姜相太王修復后稷之業積德行義至其孫武王遂有天下此太姜之德也

符秦竇滔妻**蘇氏**名蕙字若蘭陳留今武功蘇道質第三女也年十六歸于竇氏滔甚敬之符堅寇襄陽以滔為安南將軍留鎮襄陽滔攜寵姬趙陽臺往蘇氏怨之不肯與俱而滔竟與斷音問後蘇氏悔恨自傷因織錦為回文縱廣八寸計八百餘言縱橫反覆皆成文章因以寄滔襄陽滔覽之感其意於是迎蘇氏來襄陽而歸陽臺於關中恩好愈篤焉著有文詞五千餘言隋亂不傳止傳其回文回文有武后記言蘇氏事甚詳

武功縣志卷之三

三

明丁氏喬銓妻銓死無子守節四十餘年始終無玷正德二年知縣鍾仁以聞後八年命始下知縣紹表其門

喬氏李銳妻銳死貧無以依挈其女居故族兄祿家織紵自活幾四十年女子已嫁值壻死乃更與女居節操莊嚴士大夫累言諸有司知縣瑋至始上聞于朝云

王氏周村人郝讓妻讓少喪父母武氏年二十餘寡居辛苦萬狀匍匐至讓成立為取婦有子子天乃讓亦死王氏親鄰多勸之嫁不從曰有姑在不可無與養也姑乃更勸之王氏曰姑昔值舅凶有盛年艾容誓死不更人所以極

辛苦者徒以讓爾今讓不幸死無能終老母之養妾為之婦忍姑更匍匐邪於是卒意自守力作養姑終身不衰

選舉志第七

武功代有豪俊其被與選舉要不尠矣自傳記所覩載者魏有蘇則舉孝廉後魏有蘇亮蘇湛舉秀才唐蘇瓌蘇頲蘇踐言蘇綰蘇獻富嘉謨蘇弁蘇亶蘇奕蘇愐蘇顏蘇虔蘇檢舉進士蘇幹元讓蘇澄蘇均蘇務寂蘇妙蘇易蘇繫擢明經蘇詵蘇盈舉賢良方正宋游師雄游靖游竑游蟻游竚游竦元張泰皆舉進士秦子張緝孫張顯舉鄉貢明興科舉之制未定其舉明經有先尚書公舉進士有馬文簡公舉人材有吉安府同知王璽瑞州府同知文顯德安倉大使康舉自科貢之制定士非此不能仕今列諸科貢者於篇使後世足覽焉

武功縣志卷之三

科

洪武

十二年一人馬京

前見

三十年二人黃琮

岳州府通判

成

禮

涪州訓導

三十三年三人張羽

顯子文水縣知縣

李源

高唐州吏目

董嚴

長清縣知縣

永樂

元年一人舒忠

朔州學訓導

三年一人李欽

驍騎衛經歷

六年

一人景昇

房山縣主簿

九年二人張純于岩

武邑縣學訓導

十二年一

人趙庸十五年二人魏浩譙忠十八年三人楊肯張敏武

成二十一年二人劉徵

引禮舍人

王旣

宣德元年一人符信

以子泰封鄭府右長史

正統三年一人符泰

洪洞永平學訓導林偃城學教諭鄭府右長史

六年一人丁

導十二年一人景丙
景泰元年二人張輔府羽子太原劉縉知臨縣四年二人陶清
景泰元年二人張輔府羽子太原劉縉知臨縣四年二人陶清
景泰元年二人張輔府羽子太原劉縉知臨縣四年二人陶清
景泰元年二人張輔府羽子太原劉縉知臨縣四年二人陶清

馬昭京孫武邑七年一人馬驥潞城學訓導房
馬昭京孫武邑七年一人馬驥潞城學訓導房
馬昭京孫武邑七年一人馬驥潞城學訓導房
馬昭京孫武邑七年一人馬驥潞城學訓導房

天順三年一人丁仕能學從子濰縣大同縣知縣富順
天順三年一人丁仕能學從子濰縣大同縣知縣富順
天順三年一人丁仕能學從子濰縣大同縣知縣富順
天順三年一人丁仕能學從子濰縣大同縣知縣富順

李琳蠡武強縣知縣
李琳蠡武強縣知縣
李琳蠡武強縣知縣
李琳蠡武強縣知縣

成化元年二人李得春平陽南陽府學訓導馬騶十年進
成化元年二人李得春平陽南陽府學訓導馬騶十年進
成化元年二人李得春平陽南陽府學訓導馬騶十年進
成化元年二人李得春平陽南陽府學訓導馬騶十年進

士右參議四川左參政進右布政使致仕
士右參議四川左參政進右布政使致仕
士右參議四川左參政進右布政使致仕
士右參議四川左參政進右布政使致仕

雲潞城鹿邑學訓導吳江商河學教諭密
雲潞城鹿邑學訓導吳江商河學教諭密
雲潞城鹿邑學訓導吳江商河學教諭密
雲潞城鹿邑學訓導吳江商河學教諭密

朴顯從曾孫浮縣知縣
朴顯從曾孫浮縣知縣
朴顯從曾孫浮縣知縣
朴顯從曾孫浮縣知縣

弘治二年二人侯相蒲州學正湯楊和閩中臨淮訓導涪州
弘治二年二人侯相蒲州學正湯楊和閩中臨淮訓導涪州
弘治二年二人侯相蒲州學正湯楊和閩中臨淮訓導涪州
弘治二年二人侯相蒲州學正湯楊和閩中臨淮訓導涪州

判十一年三人楊秉中舟子正德六年進士行康海十五年進
判十一年三人楊秉中舟子正德六年進士行康海十五年進
判十一年三人楊秉中舟子正德六年進士行康海十五年進
判十一年三人楊秉中舟子正德六年進士行康海十五年進

院修翰林劉臣丹稜縣十四年一人李堯賓得春十七年三
院修翰林劉臣丹稜縣十四年一人李堯賓得春十七年三
院修翰林劉臣丹稜縣十四年一人李堯賓得春十七年三
院修翰林劉臣丹稜縣十四年一人李堯賓得春十七年三

人康浩鑾中子正德六年吳世瞻銅梁縣張舜舉羽太原孫
人康浩鑾中子正德六年吳世瞻銅梁縣張舜舉羽太原孫
人康浩鑾中子正德六年吳世瞻銅梁縣張舜舉羽太原孫
人康浩鑾中子正德六年吳世瞻銅梁縣張舜舉羽太原孫

武功縣志卷之三

永樂時十人張謙二年廣南鄭訥四年耿輝六年王郁六年

八年劉鈞十年定興楊沂十二年徐智十四年何王十六年

川安撫馬健十八年鴻臚人虎文二十年

洪熙時一人文郁州元年隰州吏目

宣德時六人李璿二年宋瑀四年王佐六年何著八年墊江朱琛

九年董璉十年

正統時十四人鄧信元年李茂二年宇文泰三年光祿寺監馬

良年包整五年富目宇文政六年李恭七年李俊八年段暹九年曲

簿李籽十年平陽殷倫十一年張本十二年三萬衛經歷王

瑾十三年府典儀張隆十四年

景泰時七人趙興元年許敬二年劉福三年江都党惠四年

武功縣志卷之三

三

澤州學訓導隆鄭莊五年馮寅六年內鄉縣丞張鳳七年

天順時四人曹俊二年李永四年順慶王翰六年江寧申靖

鎮八年蒞水六年又許貢四十已上者十人郭維新東昌府

尚望中城兵馬副指侯清蒙城苟容絳州稅課李尚義葛

瑶衛輝遞運寧春楊福河陰縣劉成溫江縣任和

成化時十一人張繪二年安慶府山于壽四年李文圓六年

臨胸縣康長公諱鏞八年馬負圖十年杞康演舉曾孫段

子玉十四年修康錫長公弟十六張通池縣八年岳李迪十二年

年衛輝劉振州府檢校

弘治時十一人閻秀元年夏楊舟三年夏縣學訓張巽孫羽

年五丁丙七年大同左衛學李本九年金堂朱聰十年貴州

司吏牛經十一府經歷康錦長公季第十二党資祿十三富順縣

承劉大經同縣丞馮義寅子十七年南城

正德時張鸞州山陰學訓導蔡蘭三年宜陽康永嘉演子五年

符珽西鄉貢趙章學訓導楊珂景隆子九年順党旺

惠子十一年張儒珍間縣訓導張秉十五年

武功之士所進用於昌時者如是而已舊志不列其行事夫國家承平百五十年諸君子豈無表然在人者今已不述後何以觀焉余於是懼因鄉先生各道其所知乃畧著其行事於乎盛哉錄不及其存者君子事定於蓋棺之後也

張憲美儀羽倜儻有氣年十八歲貢入太學太祖愛之以

武功縣志卷之三

為刑部主事上每以部中事問憲憲應對殊有條理同官有罪者或引及憲上曰是我小主事邪必非若此遂置不問乃後竟以引逮謫戍鞏昌至元孫瑛有功陞百戶

袁溥字汝公為浙江按察司僉事有令名訟者至則迎刃而決無有凝滯以呈誤左遷吳縣知縣後又坐解戶失金謫戍

黃琮字伯玉通周易為岳州通判能其官人稱廉平歸時行李蕭然若諸生時也

張羽字仕儀為文水知縣政令嚴明發摘若神桀民有稱十虎三彪一太歲者羽悉按法徙之時以為能

王用初為刑部主事用法平恕私門亡所交接事聞太祖

皇帝嘉賞之因遷員外郎

李耔為平陽府通判平陽人云有遺愛焉

符泰字伯亨信子也舉時年十八在太學聞母憂徒跣至家廬居墓側者五百日父命徙歸乃更廬于中門外免喪除洪洞訓導能以禮教諸生自令丞士大夫以下皆殊敬之有繼母憂改永平學天順初上言十一事極論時政得失訓導滿遷林縣教諭先是吏部以泰擬選御史會目胥不預再有繼母憂改偃城攝偃城縣民以為平乞為令巡撫累疏薦補不報教諭滿乃拜鄭府右長史在鄭府多有諫正王敬納之詳見家集泰篤厚恭謹孝友天成居鄉守官人無間言年六十七卒于官子珽為西鄉學生正德五

年貢太學

丁璿字大器第進士除行人為人溫恪罔躁所交人無小大皆敬信之卒後士大夫過者必哭加賻焉成化甲辰饑李侍郎來賑關中行縣至則首訪其家拜其妻歎曰吾大器乃如此天乎善人何尤即以所有資俸盡與之後其妻亦以貧死子紹先讀書無成死無子

張翺字鳳儀為清遠縣丞有惠政士大夫至今傳誦其賢改肅寧治效若清遠後遷絳州判官益為絳人所愛子秉鸞皆歲貢

李紀以貧為趙州訓導質朴無華教人勤懇詳至罷歸後乃益貧又不欲干謁人猶聚徒教授取給焉可以知其志

矣

馮寅字子敬未仕時聚童子為小學之教凡灑掃應對之屬曲盡其節後為內鄉丞歸已足以自養矣猶孳孳教人不憚煩碎有古昔鄉先生之風焉今士大夫謝仕以居者或不欲自課其子孫况凡民童子哉

子敬為對山蒙師嘗竒對山而予之可謂能知人矣見對山集

尚望字周臣為中城兵馬副指揮有膽氣能不奪於豪貴禁奸止暴令出唯允中城人殊敬畏之至今猶以為良兵馬云有劉原者故無子以養子治業及原有子原未幾死矣養子私其蓄積毋肯與原子原妻歷訴皆為養子請托失理一日妻夢原令訴望所妻來訴望已先夢原訴指其

匿貨所在隨發得之人以為神遷順天府推官致仕年七十卒

馬驥字漢房潞城訓導遷房山知縣有父憂改南部性爽慨重然諾好義有氣隣里婚喪多所成助出百金急人之難無恹色篤愛同氣老而不悔罷南部歸日與士大夫故舊遊宴相樂曰歲月如坂上走丸直不可不遣也年六十五卒于家

楊福字宗善甘貧嗜學居寶意上方從游及門者若將百人福每鷄鳴而起寒暑風雨無所間後除河陰訓導以所教於寶意者教之士子沛然從焉至今河陰人猶稱福善教不忘也福後卒於河陰

李得春字時魁初為平陽訓導年甚少也能自治威嚴諸生咸畏憚之後改南陽金城段先生堅知南陽獨禮重之段先生號有理學故得春益造詣罔謬遷壺關教諭以憂改榆次致仕歸貧至居敝不葺人以為難未嘗請托長吏閒居詠歌古昔絕不談世事年八十卒

魏壘字廷寶歷潞城鹿邑訓導吳江商河教諭所至皆有嚴憚遷國子助教再遷代府右長史卒于官壘為人質直好義嗜學秉禮平日未嘗妄言謾論聞非禮之言則耳頰俱赤待人無眾寡小大各得所敬曰施報之際固宜若此爾年六十八卒

侯相字良弼以親老求為蒲州學正學正滿遷湯陰縣知

武功縣志卷之三

縣湯陰道衝政繁相欲以簡易為理遇當塗者或至閤畧體面當塗者乃以為迂相益自信不肯易居二年有憂歸尋罷縣貧居尚志年五十八卒

其以例入監者天順六年四人王聚大同府知事張禮南皮縣丞

宇文縉大寧前衛經歷宇文慶通江縣主簿

成化二十年八人郭友鴻臚寺序班王縉聚子鴻臚寺序班馬萬國驥子

雙流曹馬萬衢驥子清豐縣主簿陳紀伊德馬安昭子東安主簿

縣主簿王大經聚子伊府典儀正

正德三年十人王佩昭子馬萬域驥子魏鏌壘子劉璣大經子

子馬執中駟侄王官丁誥紳子張世紳王繼祖子王堂

璣子十年三人張仲儒馬正中駟子馬存信安子

據史入官者成化已上縣不過數人今益多不可勝紀矣
取其卓然名於官者列諸篇焉

張輝廣陵縣典史 李能內鄉縣典史 楊景隆鳳陽廣齊關河泊所官 景德章南樂

縣丞 楊景懷光祿寺監事 丁紳邯鄲縣典史 賀澄蠡縣典史 楊景新

河津縣 王昭丹稜縣典史 張翹濟南遞使 宋得山溧水縣典史 魏經高

典史 趙興蔚州同知 靳通定遼後衛秋敬會州衛千戶 王大秦

武職 衛百戶至子英 杜安開平衛千戶 馬記留守前衛千戶 張瑛憲元孫

百餘四涼州衛千戶 李貴寬河衛千戶 賀胡兒河州衛千戶 李忠興隆左

封贈 尚文英望父贈中城兵馬肅 部主事 康鑾長公弟

戶部 主事 馬肅部主事 康鑾長公弟

武功縣志卷之三

三九

耆民 馬宗祿有信義持是非鄉人 康和舉子長厚有禮於

曰人唾吾拭人打吾避人罵吾 党端富財好義喜怒不形

謝吾何較乎人至今稱其言 而若此更以所 喬鼎謹厚詳

偷令子弟予而遣之終身不肯言 偷兒名 所 喬鼎審於人

無所爭與弟壽並有良名又皆頌 張朋舉親宗睦隣無所

貌美髯鄉人目曰大髯小髯云 張朋舉怨惡歿時年八

十又 詹古外切音詹 窮豪之倉也

浙西子曰余為武功志其義例皆見諸篇余不知其詳與

畧也故猶望後之君子繼而正焉志作於正德十四年秋

七月朔日成於是秋八月三日冬十月十九日隴郡馮韶

書成入梓 武功縣志卷之三

康對山先生武功縣志後序

明殿元康對山著武功縣志七篇簡而有體質而彌文辭直而事核善惡並述以寓勸懲無虛恢無隱避為實錄而近理論者比之太史公書夫是固記載之極軌志乘之標則也顧歲久漶漫已亥難稽乃翻刻時復有從而點竄動移者於虜對山之志其非完書久矣酉峰先生者言輒及之為形歎息適余家中故有所藏原刻善本廼取以詳校而訂正用還對山之舊而七篇復成完書更以其平日所獨心得或參考諸史集者為評且註也邑侯瑪公刻對山文集既竟因續付梓匝閱月而工告竣焉昔王新城歷數秦中名志獨以武功為第一而凡他著述家皆莫不亟稱武功縣志

後序

其美善今且復得酉峰先生評註俾後之讀者作者咸知法焉遠矣哉其嘉惠之心蓋亦曷有弗極也至書中義法之精深體例之微密已具詳先生與邑侯序中故第為識其顛末如此云

乾隆二十六年歲在辛巳冬十月望後五日邑後學張州萊峰書

原跋

夫志鄉國之史作者詳或失之泛簡或失之畧私失之去
取不守一如是志法廢矣昔者司馬氏世為太史談未及
者遷畢其論著為史家獨步我康長公曾作武功志散失
不存對山太史繼而成之其繁簡取舍咸得精守說者謂
不愧司馬父子其知言哉正德庚辰春二月北山居士楊
武跋